



Bizkaitar bat upel artean

Javier Clementek ireki du aurten txotx garaia, Joxe Mari Bakerori lekukoa hartuz eta sagardoa dastatuz

IAZ Joxe Mari Bakero izan zen, eta aurten Javier Clemente entrenatzailea izan da txotx denboraldia ireki duen pertsona ezaguna. Txalaparta doinuz eta aurrekuaren bitartez jaso zuen ongi etorria bizkaitarrak.

«Hau da Astigarragako sagardo berria» esanez eman zion lehen zurrupada Clementek aurtengo sagardo berriari. Txalo zaparradaz erantzun zion Petritegin bilduta zegoen sagardogile eta kazetarien multzoak.

Astigarragara etorri zen lehen aldian zuen entrenatzaileak. «Badakizue, urtean zehar aldiro suertatzen zaizkidan betebeharrak dira hauek. Lehen aldian da hona etortzen naizena, eta oso atsegina da niretzat».

Astigarragan lehen aldian, baina ez lehen sagardotegia, azkar asko adierazi zuenez. «Bizkai aldeko sagardotegiren batean edo bestean egona naiz». Sagardoa zer den badakiela argi asko utzi zuen beraz aurtengo sagardo berriaren irudia bultzatzera etorriak, sagardoaren kalitatea neurtzeko gai ez dela esan arren. «Nahilago dut txotxekoa. Atseginagoa da. Tipikoagoa mahalana edatea baino. Ez dakit esaten gaur bertan edan dudana kalitate onekoa den ala ez, baina oso gustora edan dut, sagardoarekin beti gertatzen zaidan bezala».

Gehiegi ez duela edaten aitortu zuen, ordea. «Gustatzen zait, baina ez dut gehiegi edaten, ez bainaiz sagardoa egiten den lekukoa». Gradu gutxi dituenez gero, osasungarritzat ere jo zuen sagardoa. «Gozoa dela uste dut, eta gradu gutxi izateaz gain, zapore ona du, ez duzu uste? Finen, sagarra gustuko duenari sagardoa gustatzen zaiola uste dut».

Esandakoari jarraiki, Javier Clementek txotxetik edateari ekin zion. Mahaira eseri eta gero, kazetariez ez zuela ezer jakin nahi ere adierazi zuen. «Mahaira eseri eta gero, Astigarran eskaintzen zaigun edari hau eta jakiak dastatu nahi ditut, besterik gabe». Hantxe utzi genuen beraz, upel artean, sagarraren aurtengo mama goxoa dastatzen. X

Javier Clemente izan da 1996ko Sagardo Berriaren Egunean gonbidatu berezi. Txotx egin zuen lehena bera izan genuen Petritegi sagardotegian, aurteko denboraldiari hasiera ofiziala emanez. Sagardoa gustuko duela jakin genuen horrela, sagardogintzan jarduten ez duen inguru batetik datorrela nabarmendu arren. Ezagutza eskasia ez zitzaion nabarmendu ordea, upel artean futbol zelaian bezain erraz mugitzeko gai dela erakutsi baitzuen.



Aurreskua dantzatu ondoren ireki zioten txotxa Javier Clementeri. «Hau da Astigarragako sagardo berria» esanez ireki zuen urtengo txotx garaia entrenatzaile bizkaitarrak.

JACOBA MANTEROLA



HERNANIKO UDALA

Sagardoa txotxetik,
Euskara gogotik !!